

Leev Tante Finchen

Wo de och hinjehs zom "futtern", nirjendwo es et mih so wie bei "Muttern". Wenn dat neue deutsche Wohd "Jlobalisierung" op wat zotrifft, dann es et de Jastättenszene en Hassels. Jewönnt hätt mer sech am Ärm - Lütt -Esse us Italien, en Pizza. An Cevapcici, Pleskavija on serbische Bohnezupp us Jugoslawien, Kroatien on Serbien. Och jriechische Suvflaki on Zaziki ons wohlbekannt. No hant bei ons och Enzoch jehalde, de met Wisswosch on Brezele jesäuchte Bayern. Ne chinesische Koch kredenzt en Peking-Ent, on bei onserer Landlütt us Sachse dörfe mer en russische Soljanka-Zupp uslöffe.

Bei all` dem kulinarische Krom froch ech Dech,leev Tante Finchen, wo krie ech noch minne Rheinische Surbrode. Ech jlöv, ech moß dech besöke komme, öm mol widder "futtern" zo könne, wie bei " Muttern".

Neulisch wor ech mol widder bei din Freunde, de Schötze, op däm Scheßstand am Sportplatz. Op emol höte mer polizeitypische Jeräusche. Met jrossem Opjebot wore de Jonges en de jröne Trachtejacke anjeröckt, öm ne Striet bei denne Foßballer zo schlichte. Een Mannschaft hätt der angere doch tatsächlisch e dor jeklaut, on verteidischte dat met handfeste Arjumente. Dörch ne klare Punktsiech hätt die beklaute Mannschaft ehr dor zoröckjehollt. Ech kom mech vör wie em Kaspertheater!

Also, dat moß ech dech jo mol sare. Manche von din Schötze, die krieje jo dä Hals nit voll. Em ejene Verein könne die schon dreimol de Königswürd`erreng (Rejiments-Kompanie on Klompekönich)! Äwer dat riecht denne anscheinend noch nit. Jetz`komme doch bei nem Nachbarsverein dä Börjerkönich on dat Klompekönichspaar och us däm Hasseler Schötzeverein! Häst de doför noch Tön? Mech deht et nur wundere, dat do noch kinner von ner feindlichen Övernom spricht.

Apropos, feindliche Övernom: Alle 4 Woche süht et en Hassels us, wie no ne Bombeanriff. Dä Möll steht op em Börjersteich, Papier, Pappe on Plastikdrieß flütt över de Stroß, on alle 5 Minute hält ene Kleintransporter, e Överfallkommando springt erus, riest de Plastiksäck usenander, wöhlt överall eröm, on wenn dann de Börjersteich nit mih zo passere es: Ab doför on en de nächste Stroß erenn! Dat alles es natürlisch nit ohne Krach möschlich - on dat es och joht so, denn do wisse och de letze Hasseler : Et es widder Sperrmöll!!

On jetz`en kleene Sensation, leev Tante. De Arbede an de Johrhundertbaustell Hasselstroß - am Kirkhoff vorbei send am Eng! Mer jlövt et kaum, äwer m`r hätt et immerhin in 2 Jahr jeschafft, op knapp 250 Meter Stroß neue Rohre zo verleje on de Stroß zo teere. Es dat nit doll, wie schnell de Stadt Düsseldorf ärbede kann?!

Spaß beisitt, ech möht nit wisse, wat die johrelang rusjezöjerte Schlamperei jekost hätt. Äwer mer hant et jo. Wie joht, dat Du in Rente bes, on kin Stür mih zo bezahle brochs.

Zom jode Schluß noch wat angeres. Vill Börger en onserem schöne Hassels fire jähn Feste, se wisse nur nit wo se fire solle oder besser jesahnt könne. Ons felt he einfach en Mehrzweckhall oder ne Veranstaltungsort, wo e paar Lütt mih erinnjonnt, als en de kleene Sälsches von de Kneipe oder em Vereinshuus von de Kirk(joht, dat mer dä wenichstens noch hant). Ech hoff ja schwer, dat de verantwortlichen Politiker he emol an eene Strang trecke, on doför sorje, dat mer he sowat hinkrieje.

So, för hütt jenoch jeschrewe, bis bald emol on schöne Jroß

Din Hänschen